



ATASSUT
Postboks 399
3900 Nuuk
+299323366
Fax: +299325840
Atassut@greenet.gl
www.atassut.gl

Nuuk, 11.01.2008

Inatsisartut suleriaasianni § 36, immikkoortoq 1 naapertorlugu matumuuna imaattumik Naalakkersuisunut apeqquteqarpugut:

Apeqqut: Kræftimik nappaatillit katsorsarneqarsinnaajunnaartutullu nalilerneqarsimasut nunatsinni najugaqartut misileraataasumik katsorsarneqarsinnaalernissaat periarfissaalersissallugu Naalakkersuisut suliniutigissallugu pilersaaruteqarpat?

(ATASSUT-ip Inatsisartuni ilaasortaaitai: Augusta Salling, Emilie Olsen, Kristian Jeremiassen, Thomas Kristensen, Godmand Rasmussen)

Tunngavilersuut:

Kræftimik nappaatilinnut katsorsaariaatsit nalinginnaasut ilisimatusaatigalugu katsorsaanerit periarfissaajunnaarsimatillugit periarfissatut kingullerpaatut misileraataasumik katsorsartissinnaaneq danskit kræftimik peruluutigisaminnik nappaatillit periarfissaraat.

Aningaasalersuineq ullumikkut Danmarkimi 10 - 15 mio. kr. missaannik annertussuseqartoq Naalagaaffiup tamakkiisumik matussuser tarpaa, aningaasallu ator neqartarput kræftimik nappaatilinnut alati gulluunniit napparsimasunut inuunerminnik navianartorsiortunut Danmarkimi napparsimaveqarfinnit katsorsarneqarsinnaanermik neqeroorfigineqarsinnaajunnaartunut taamatuttaaq ilisimatusaatigalugu katsorsaasartunit katsorsarneqarsinnaajunnaarsimasunut.

Aaqqissuusineq taanna napparsimasut aammalu Danmarkimi Kræftimut Akiuiniaqatigiiffiup Kræftens Bekæmpelse-p iluarisimaarpaat, katsorsaaneq taanna inuuginnarnissamut neriuuteqalersitsiinnarani aammali takussutissalimmik toqukkut qimaguttussaagalanut iluaqutaasarmat.

Inatsisartut 2007-mi upernaakkut ataatsimiinneranni ATASSUT-mit siunnersuuteqarpugut kræftimik nappaateqartut katsorsarneqarsinnaajunnaarneqartutullu nalilerneqarsimasut Danmarkimi misileraataasumik katsorsarneqarsinnaanissaannut periarfissaqartitaanissaat tassungalu atatillugu aningaasartuutit peqqinnissaqarfimmit matussuserneqartarnissaat pillugu Naalakkersuisut sulissuteqaqqullugit Inatsisartut aalajangiissasut.

Ajoraluartumilli paasissutissanik katersisimanerput tunngavigalugu isumarput naapertorlugu Peqqinnissamut Naalakkersuisuusimasumit katsorsaariaaseq pineqartoq paatsoorneqarlunilu paasissutissanik eqqunngitsunik tunngavilimmik siunnersuuterput itigartinneqassasoq inassutigineqarpoq, taamaalillunilu siunnersuuterput Inatsisartunit ilalernerneqanngitsoorpoq.

Taamaammat ATASSUT-mit isumaqarpugut, Naalakkersuisut paasissutissanik tunngavissaqarluarlutik aammalu tunngavilersuilluarlutik pineqartoq isummerfigisariaqaraat, taamaammat matumuuna Naalakkersuisunut apeqqutigaarput kræftimik nappaatillit katsorsarneqarsinnaajunnaartutullu nalilerneqarsimasut nunatsinni najugaqartut misileraataasumik katsorsarneqarsinnaalernissaat periarfissaalersissallugu Naalakkersuisut suliniutigissallugu pilersaaruteqarnerisut?

Piaartumik akineqarnissarput naatsorsuutigaarput, akissutillu ukununga nassiunneqassasut kissaartigaarput: aus@gh.gl krje@gh.gl thok@gh.gl gora@gh.gl ekri@gh.gl kiisalu landstinget@gh.gl

Qujanaq.